

邳州志

第一册

-74132

局志 734

地 220.39  
137

寿 = 21-4

咸豐元年季冬葉

邳

州

志

邳州志

山陽魯一同撰次

卷首

敘目

卷之一

疆域 四至 分隸 高度 風俗 物產 方貢

卷之二

沿革 封建附

卷之三

建寘 城池 官署 壇廟 鄉社 集鎮 津梁

卷之四

邳州志

卷首

一

山川 運道河防附

卷之五

民賦上 戶則 出賦 屯衛 支解各款

卷之六

民賦下 水旱 蠲振 捐輸

卷之七

學校 廟制 學田 書院 貢舉藝文附

卷之八

軍政 衛所 操防 修防 屯田 驛遞

卷之九

官師一

卷之十

官師二

卷之十一

官師三

卷之十二

官師四

卷之十三

人物上

卷之十四

邳州志

卷首

人物中

卷之十五

人物下

卷之十六

列女上

卷之十七

列女中

卷之十八

列女下

卷之十九

古蹟

卷之二十

雜記

右爲類十有二附見者五細目二十有七總二十卷夫志者所以定疆理攷古今辨制度明得失也各因地爲用莫可緼一昔者先王周知天下道里之圖辨廣輪之數測星野推高度以定節候之蚤莫風氣之寒燠然後程其土宜稽其習俗肆其采物而謹乎時變教由以興故疆域先焉疆域必有所繇始郡國代更南朔剖剖分合華離之不同弗辨弗晰故次之以沿革而封建繫之


邳州志

卷首

三

辨方定位乃營城邑作官府以治明建壇宇廟壝以統幽達乎郊鄙行乎四陬故次之以建寘百度旣作迺原本山川陟降原野攬高極深奠位乎上下故次之以山川而運道河防麗焉民治之大者莫重乎食兩稅之征奉上有經六氣告沴澤亦下行又教民以通有無廣儲蓄政之情也故次之以民賦蓋旣富方穀詩人之義也物生不可無教教不可不爲之所師儒旣設譽俊克生揚于王廷餘事以藝鳴故學校次之貢舉藝文附焉文武之道孰左孰右勇夫閉關設險寘守故軍政次之疆圉隍域非官不守賦役教化非官不行軍旅非官不嚴

不親故官師次之先賢後賢或步或武鄉人於是語於是道古故人物次之閨門起化詠窈窕崩城爍石章厥教故列女次之荒墟遺壤將爲裴哀焉沈唵焉如有足音故古蹟次之事靡所系殘叢不可棄故以雜記終焉



邳州志卷之一

疆域 四至分星高度風俗物產方貢

邳古侯國也其疆域廣狹無得而稱焉漢承秦制下邳建縣西不及武原北不兼良成永平中拓為王國領十七城其地自葛嶧之陽南有僮睢陵盱眙東帶司吾迤至於淮陰北有良成而無武原晉太始中下邳王國裁統七縣下邳凌良城成始改睢陵夏邱取慮僮宋下邳郡領良城僮與下邳而三南有今睢寧之西境而縮其西北北魏得之領縣六下邳良城僮坊亭柵淵歸正別寘武原郡領武原開遠艾山分晰雖多地不加廣綜此

邳州志

卷一

二郡九縣惟坊亭柵淵僮少溢今境而已後周廢開遠艾山隋省武原歸正惟存下邳良城唐省鄰良城入於下邳則北邊廣又省泗州之淮陽入焉則南邊啟元初以民少并宿遷睢寧於邳州大啟東南及古之僮取慮以及淮陽角城之西延袤數百里矣至元十二年復宿遷睢寧明初復鄰城州所統如今境廣百有二十里袤百有四十里實兼漢下邳良成武原三縣之地東南至宿遷石橋界五十里又東南至於宿遷縣百十里南至睢寧木社界九十里渡河又南至於睢寧縣四十里西南至靈璧余溝界百七十里又西南至於靈璧縣八十

里西至銅山汴塘界七十里又西至於銅山縣九十里西北至嶧陶溝界四十里又北至於嶧縣七十里北東至沂州重防界五十里又北至於沂州府百二十里東北至郟城齊村界三十五里又東北至於郟城縣三十五里至府如至銅山縣南至江寧省水程九百十里陸九百四十里北至京師水程二千百十里陸千七百六十里今治在舊州城北少東九十里舊城在府東少南百四十里其地北控齊魯南蔽江淮西走梁宋東俯胸海魏晉以來常爲重鎮蓋水陸之要衝南北之襟喉至唐廢郡爲州去州爲縣南隸泗西隸徐代凡三變遂爲

邳州志

卷一

二

偏方僻邑然而宋金元之代兵爭紛如也其於天文在降婁之次史記天官書曰奎婁胃徐州漢書天文志曰魯地奎婁之分野也東至東海南有泗水至淮得臨淮之下相睢陵僮取慮皆魯分也晉隋諸志大都參相入矣唐書天文志曰初奎二度餘千二百一十七秒十七少中婁一度終胃三度自蛇邱肥城南屆鉅野東達梁父循岱岳之陽以負東海又濱泗水經沛留彭城東至於呂梁乃東南抵淮盡徐夷之地蓋中國膏腴地百穀之所阜也攷諸占驗緯文其說益多春秋耀靈鉤以徐揚諸州屬權明石申云天市垣左第五星主徐右第二

星主楚元命苞曰下台下星主徐益錯出無所折衷竊據明史天文志邳在奎二度至胃二度降婁之次爲定說焉夫古建國邑正方位必測日景以知節氣之蚤莫晝夜之永短豈不以里差可攷哉京師北極出地高四十度舉成數也實測得大興宛平高三十九度五十五分邳州北極出地高三十四度二十九分四秒較京師差五度三十分六秒在天一度當平地橫黍尺二百五十里計邳治去京師鳥道一千三百七十七里半京師夏至日出寅正二刻五分日入戌初一刻十分邳州夏至日出寅正三刻八分弱日入戌初初刻六分強計邳州日出後京師一刻三分

邳州志

卷一

弱日入先京師一刻三分弱冬至京師日出辰初一刻十分日入申正二刻五分邳州日出辰初初刻六分強日入申正三刻八分弱計邳州日出先京師一刻三分弱日入後京師一刻三分弱夏至京師晝五十九刻五分夜三十六刻十分邳州晝五十六刻十三分弱夜二十九刻一分強晝短京師二刻七分不足夜長京師二刻六分有餘冬至之晝各如夏至之夜夜各如其夏至之晝節氣時刻以京師爲準居京師東者每一度加四分西者一度減四分東方蚤見日故刻分加西方遲見日故刻分減假如京師正午刻立春居京東者已見日

過午故刻分加也。邳州偏京師東一度五十二分。按經緯表

銅山縣偏東五十八分而邳州偏東至一度五十二分。則邳州在銅山東二百二十五里。今尺之一百八十里矣。今人行道舊城去銅山不過百四十里。新城百六十里。若取直道更宜加近。當日推測必有譎謬也。以

鳥道計之。應偏東四百六十六里六分里之四。橫黍每尺

節時刻較京師宜加七分半。雖未盡密合。其大都準此矣。其在列國爲楚宋魯薛之交。攷其舊俗。土風勁悍。挾節任氣。好尚賓遊。蓋楚之風焉。或曰邳州之山敦厚而鬱肆。不爲衍迤。附麗水恆欲與山爭澎湃。汨漏其勢。恣肆人生。其間骨勁氣挺。然風俗與世移易。自沂武以東。東南境多水土。漸文雅興學。而西北山國務稼穡。北接

邳州志

卷一

四

邳嶧西帶滕沛。民好帶刀劍。羣聚不逞。盜賊時出。沒白晝。擄掠號稱難治。其賢者乃多恢廓大略。好抵掌談論。傾身下人。赴公家不顧私。雖號爲謹愿。壹切任質。自熹其天性。然也。禮俗大都與徐兗同風。無冠禮。婚不親迎。用門戶相重。不責取財物。士族無祠廟。以時節祭於寢。喪大小斂。殯祖葬。略準古制。頗好形家言。覘土面勢。徒步百里。浮屠陰陽鼓吹。時亦有之。然期功之喪。尚經帶素履。絢有先代之遺焉。其衣冠樸遯。夏恆葛衫。草笠冬繭袍。深衣氈冠。婦人無綺縠。文繡金翠之飾。獨好爲女紅。精巧名於他郡。麻臬織作。非其所習。民勤而易飽。日

再食食不托蒸黍餠粥有盛饗乃設飯飯亦精鑿近乃有鮭珍奇腴如吳楚人趨華靡之漸也歲時上元燈火清明上冢墓午日菖蒲艾酒中秋瓜果之類略如恆俗物產五穀多二麥戎菽黍稷粟秫胡麻產稻十一二蔬有芹芥茗葱蘆菹韭薹綠葵赤莧王瓜薯蕷苜蓿藜蓬野有蹲鴟其果桃杏梨檉棗李柿柰壺棗棋榛銀杏石榴胡桃梨棗尤美木則松柏白枌赤棠榲梧桐桑柘椿椒地有桑柘社焉草有夫須茅蒐茅蒐謂之牛蔓馬島牛羴在處有之水有葭華龍古河之唇有馬糞馬糞之根中拂塵其蒲可爲扇曲文密理工稱良焉禽獸則邠州志

卷一

五

六畜鳧鷖亦有鵠鷓雉渠鷹隼鴛鴦鶉鷄水多魴鯉藥物芎藭羌花忍冬半夏羌蔚苜蓿蓂宇記曰苜蓿一寸九節及十節出偃武鄉艾出艾山者良何首烏劉寄奴草皆材之美也貨有山繭棉花麻蕘之屬而唐書地理志土貢雙絲綾絹棉綢布刀錯紫石宋祇貢絹今或有或否若夫采嶧陽之檠根敏泗濱之樂石遠矣昔志有詳焉要豈與夫方州物采効用耳目者哉

邳州志卷之二

沿革 封建附

昔薛之初祖奚仲居薛以爲夏車正奚仲遷於邳十二世孫仲虺自邳復遷於薛以爲湯左相當太戊時有臣

扈武丁時有祖己復徙國於邳據唐書宰相世系表蓋薛有上邳

城云應劭曰邳在薛其後徙此故曰下臣瓚曰有上邳故曰下邳也師古曰瓚說是趙孟之言

曰商有姓邳周武王復封奚仲之胄於薛東周以降寢

以微削其地見奪於諸侯邳之西曰武原其北良成當

穆王時徐夷僭號率九夷以叛宗周西至河上穆王使

造父御驥騶之乘以告楚楚伐徐偃王敗乃北走武原

邳州志

卷二

山下百姓隨之以萬數其後爲武原縣春秋之末魯昭

公十有三年晉徵吳會於良杜註下邳有良城縣不言何國地顧氏方輿紀要以

爲邳地特以下文治兵哀十五年楚伐吳陳侯使公孫

貞子弔焉及良而卒杜註良良成也自晉霸衰良入於

吳越句踐滅吳以兵北渡淮與齊晉諸侯會於徐州終

不能正淮北地楚東侵廣地至泗上弗能有也齊得之

以封騶忌於下邳下邳始見田齊世家宋王偃立東敗齊取五城

淮北入於宋齊滅宋二年楚與燕合師攻齊取以爲縣

十二二十有六年而并於秦秦皇旣立分天下爲三十

六郡故楚之郡六而淮北得四泗水薛邾琅邪於是下

邳始建為縣屬泗水郡舊志曰邳郡或曰薛郡也史記止義

下邳泗水縣而舊志以為邳郡者按漢改邳為東海郡統縣三十八下邳第三良成第四以此推得之惟顧氏以為秦屬薛秦分天下自淮以北西起豐沛北至方與郡未知所據

胡陵魯國負岱宗之陽以盡東海地不過千里比六四

郡者因楚國之舊也下邳東有邳西北有薛西南有泗

水介立三郡之交壤互牙錯以今境所及武原以西南

並泗水當屬泗水郡良成以北叻鹿之陽東帶沂武屬

邳郡以邳故薛分故又以為薛郡焉秦二世元年山東

兵起六國各立後改制郡縣而秦嘉立景駒為楚王分

實東陽郡於下邳漢書高帝紀以故東陽郡鄆郡吳郡五十三縣立劉賈為荆王文穎曰東

邳州志

卷二

二

陽郡今下邳也水經注云泗水又東南逕下邳縣故城西王莽之閏儉東陽郡治文穎曰秦嘉東陽郡是東陽郡立於秦嘉矣晉地理志楚漢之際分實東陽郡元和郡縣志徐城下云楚漢之際項羽實東陽郡則直以為羽實然酈注為長○酈注又云東陽縣本屬臨淮郡明帝分屬下邳後又分屬廣陵故張晏曰東陽郡今廣陵郡也漢明帝實下邳郡矣此條所引乃項籍傳陳嬰已下東陽之注彼自指臨淮之東陽縣與東陽郡判然不同酈氏因明帝時東陽縣曾屬下邳遂合而一明年項之反改張晏原註東陽縣字為郡其誤甚矣

梁渡淮軍下邳四月擊殺秦嘉景駒下邳入楚漢四年

韓信既已定齊使灌嬰別將擊楚前至下相以東南渡

淮盡降其城邑項羽使項聲薛公酈公復定淮北嬰渡

淮北擊破項聲酈公斬薛公下下邳而下邳為漢漢既

定天下改邳為東海郡下邳良成屬焉五年徙齊王韓

信爲楚王都下邳明年廢信爲侯以弟交爲楚王王薛

郡東海彭城三十六縣都彭城而武原屬楚國此據交

紀則云以陽郡薛郡鄰郡立交爲楚王吳楚反時下邳人周邱以漢節馳

入下邳一夜得三萬人吳敗楚王戊自殺交傳國六世

至延壽卒以反誅楚元王之封在漢書高帝紀有陽薛

原而無下邳良成按元王初封凡三十六縣七縣者地

節元年延壽以反誅宣帝改爲彭城郡黃龍元年復故

故地理志據書之耳然楚至王戊二十年已高帝七年

削東海郡故下邳聞吳楚反爲漢城守也

分武原二千八百戶封衛胘爲武原侯昭帝始元五年

以魯安王子文德爲良成侯胘傳至孫不害文德傳至

元孫閔國並除及王莽篡漢改下邳曰閭儉良成曰承

邳州志

卷二

翰武原曰和樂亭於是更制郡縣天下紛如矣光武初

興董憲據下邳劉紆在垂惠佼彊在西防旣而紆奔彊

彊紆奔憲而龐萌反與憲連和帝自將討萌憲去下邳

還蘭陵五年帝進幸鄰畱吳漢攻劉紆董憲車駕轉徇

彭城下邳初武帝元狩六年分沛東陽寘臨淮郡建武

中立子衡爲臨淮公明帝永平十五年改臨淮爲下邳

國封子衍爲王領十七城割東海之下邳良成曲陽司

吾益下邳國而去故臨淮之南邊地傳至曾孫哀王宜

無子國除元和郡縣志泗州下武帝分寘臨淮郡後漢

下邳太守理此自晉迄後魏並爲宿豫縣徐

城下云後漢以臨淮合於東海明帝又分東海爲下邳

國理此據此則下邳國理徐城別有一下邳太守理宿

豫矣。太平寰宇記：淮陽軍下邳縣。晉太康元年，自徐城移下邳國。理此似太康以前國治徐城。說與元和志然攷後漢書郡國志：下邳國統縣十七，而下邳居首。徐第二。下相第五。下相卽晉之宿豫也。則國治下邳更無可疑。班志：臨淮郡首徐，而後漢書特移下邳於前。明乎制以時異，既爲下邳王國，不復更居舊治也。隋大業中始移下邳郡治於宿豫。前此又未聞以宿豫爲下邳也。至張晏謂明帝寘下邳郡論者，遂謂建國時仍別寘郡。按明帝永平十五年始建下邳國，則寘郡或在未建國以前，未必同時。郡國並寘也。桓帝延熹二年，封中常侍徐璜爲武原侯，周永爲下邳高遷鄉侯。璜永以中人封列侯，以收梁冀功也。漢德旣衰而盜起，山東諸侯並起而爭。陶謙以徐州牧據下邳，與賊闕宣共舉兵攻略城邑，旣而殺宣，謙死，劉備代之。呂布襲備，取下邳。建安三年，曹操攻布，決沂泗以灌城，城降，殺布。明年備復據下邳，殺刺史車胄，操又奪之。先是十三州之立，刺史不常厥治。後漢治東海、郯及初平、建安之際，謙備布相繼奪據下邳，屹爲重鎮矣。魏分天下爲十二州，因漢之舊，而徐州刺史治下邳。黃初三年，以魯陽公宇爲下邳王，又封臧霸爲良成侯，而其時徐州刺史或加將軍之號，或別遣持節都督監軍。於是下邳有縣，有郡，有國，有鎮。訖於西晉之世。晉武帝泰始元年，以安平王子晃爲下邳王，統縣七，有下邳、良成，而武原別屬彭城。別封晃子綽爲良城縣王，而分下邳屬縣在淮南北者爲臨淮郡。

邳州志

卷二

晉志但言分下邳屬縣在淮南者，是時常以按司古亦割屬臨淮，故加北字。

諸王繼鎮下邳而琅邪渡江卒以下邳首基大業明帝  
太寧元年石勒陷下邳後三年劉闔殺內史夏侯嘉降  
於石勒下邳入趙永和五年褚裒伐趙趨泗口遣督護  
麋疑據下邳部將王龕李邁與趙將戰於代陂敗沒裒  
退屯廣陵於是趙國大亂劉顯冉閔更相屠滅七年豫  
洛荆徐兖五州來降下邳復歸晉凡在趙二十有五年  
明年殷浩北出許洛命荀羨自京口鎮淮陰進鎮下邳  
姚襄背叛浩師徒屢敗自淮以北驅縻而已是時燕已  
滅冉閔封功臣以散騎常侍厲爲下邳王然亦崇虛號  
無實土也十二年羨救段龕於廣固至琅邪不進龕降

邳州志

卷二

五

於燕羨還下邳留諸將守琅邪太山羨尋疾篤以郗曇  
代鎮下邳明年曇出高平無功退屯彭城隆和元年庾  
希鎮下邳五月希帥舟師助守洛陽旣而自下邳退屯  
山陽後七年而桓溫大舉北伐喪師於枋頭燕亦不競  
明年而秦滅燕盡有燕百五十七郡之地於是秦使梁  
成鎮倉垣彭越鎮彭城晉亦寘戍彭城與秦爲界猶未  
失下邳後八年爲孝武太元三年秦彭超攻沛守戴遂  
於彭城俱亦作句難毛盛寇淮南晉謝元救彭城超解圍  
遂奔元軍超使徐裒據之而身攻下邳南拔盱眙俱難  
克淮陰共圍三阿元起廣陵救三阿連戰皆捷北至於